



Broj: 01/20-02-731/26-1
Sarajevo, 13.05.2026. godine

**PREDSTAVNIČKOM DOMU
PARLAMENTA FEDERACIJE BiH**

Dana 13.05.2026. godine održana je 12. sjednica Odbora za obrazovanje, nauku, kulturu i sport Predstavničkog doma Parlamenta Federacije BiH (u daljem tekstu: Odbor). Sjednici Odbora prisustvovalo je devet (9) članova Odbora, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

DNEVNI RED

1. Inicijativa za donošenje jedinstvenog Zakona o airsoftu na teritoriji Federacije Bosne i Hercegovine, koju je pokrenula Suada Halilović, zastupnica u Predstavničkom domu Parlamenta Federacije BiH,
2. Inicijativa za izmjene i dopune Zakona kojim će se propisati zakonska obaveza uvođenja video nadzora u svim predškolskim ustanovama na području Federacije Bosne i Hercegovine, koju je pokrenuo Sanel Kajan zastupnik u Predstavničkom domu Parlamenta Federacije Bosne i Hercegovine.

Na osnovu člana 44. a u vezi sa članom 69. Poslovnika Predstavničkog doma Parlamenta Federacije BiH ("Službene novine Federacije BiH", br. 69/07, 02/08, 26/20 i 13/24), Odbor Predstavničkom domu podnosi sljedeći:

IZVJEŠTAJ

Ad-1

Inicijativa za donošenje jedinstvenog Zakona o airsoftu na teritoriji Federacije Bosne i Hercegovine, koju je pokrenula Suada Halilović, zastupnica u Predstavničkom domu Parlamenta Federacije BiH

Sjednici Odbora nije prisustvovala podnositeljica Inicijative tako da je Odbor odlučio da će odgoditi razmatranje i istu razmotriti kada se steknu potrebni uslovi za to u skladu sa članom 51. Poslovnika Predstavničkog doma Parlamenta Federacije BiH ("Službene novine Federacije BiH", br. 69/07, 02/08, 26/20 i 13/24).



Ad-2

Inicijativa za izmjene i dopune Zakona kojim će se propisati zakonska obaveza uvođenja video nadzora u svim predškolskim ustanovama na području Federacije Bosne i Hercegovine, koju je pokrenuo Sanel Kajan zastupnik u Predstavničkom domu Parlamenta Federacije Bosne i Hercegovine

Uvodno izlaganje dao je zastupnik Sanel Kajan koji je pokrenuo Inicijativu za izmjene i dopune Zakona kojim će se propisati zakonska obaveza uvođenja video nadzora u svim predškolskim ustanovama na području Federacije Bosne i Hercegovine i veoma detaljno upoznao Odbor sa dostavljenom Inicijativom, njenim značajem i razlozima za donošenje. Odbor je obavio diskusiju i pristupio glasanju, te podržao sljedeće

ZAKLJUČKE

1. Odbor podržava Inicijativu za izmjene i dopune Zakona kojim će se propisati zakonska obaveza uvođenja video nadzora u svim predškolskim ustanovama na području Federacije Bosne i Hercegovine, koju je pokrenuo Sanel Kajan zastupnik u Predstavničkom domu Parlamenta Federacije Bosne i Hercegovine i predlaže da ide u daljnju parlamentarnu proceduru.
2. Odbor traži od Predstavničkog doma Parlamenta Federacije BiH da se dostavljena Inicijativa obavezno proslijedi Federalnom ministarstvu obrazovanja i nauke i svim kantonalnim ministarstvima nadležnim za odgoj i obrazovanja radi davanja mišljenja i očitovanja na ovu Inicijativu.

PREDSJEDNICA ODBORA
Jasmina Bišćević – Tokić, s.r.